



Te Peretitenira'a No Porinetia farani

PIHA PUTURA'A PARAU 'API Monire 12 nō novema 2018

Te mau Fa'aotira'a a te 'Āpo'ora'a a te mau Fa'aterehau

Tapura faufaa no 2019 : te autâhō'ê e te faahoturaa nâ mua

Ua fârii te Apooraa faatereraahau i te matameha'i o te tapura faufaa 2019 nâ reira te mau 'afata taa'ê a Porinetia e o te ta'ita'ihia atu i mua i te tuatâpaparaa a Apooraa a Porinetia. E tâmau noa te tapura faufaa 2019 i te fâ haamauhia no te 'avei'a a te faatereraa fenua oia ho'i o te haapaariraa i te ora hau totiare e te faahoturaa 'aifaito, faatura i te taata tupu e te natura, e te 'imiraa faufaa no teie tau.

Ua patuhia 'ôia i ni'a i te faufaa e ô mai no te tereraa 'ohipa o tei maraa rahi e tupuraa fahiahia ra ia.

'inaha, te fa'ohiparaa faufaa no 2018, 'ua maraa ia faa-au-hia e te faufaa i tapurahia (+7 miria) no roto mai ia i te mau poro'iraa tauihaa i te ara, tapa'o o te maita'i o te 'imiraa faufaa, o te toruraa o te matahiti teie maraa noaraa.

Ta te Faatereraahau i tapura no te matahiti 2019, tei te faito 167,399 miria toata.

Te tapura faufaa o te tereraa 'ohipa 130,399 miria toata e moni no roto mai i te mau tute tauihaa poro'i, hō'ê maraaraa i te faito 7,974 miria toata.

Ua haafaufaa te Faatereraa e 'ua faataa te toe o te tapura faufaa no te ora hau totiare e te faahoturaa faufaa.

O te rima rave a te Hau e tâna tereraa 'ohipa te rahiraa o te 'afata faufaa.

Ua maraa ato'a to te pae te mau tauturu taatiraa 15%. 1,2 miria toata no te 'ôroi i te 'âpoo a te 'afata o te faatuharaa no te feia i 'ohipa 15 noa matahiti.

Te faatupuraa 'ohipa, no 2018 ua faa-au-hia 25 miria, hō'ê nuuraa ia faa-au-hia i 2017 ra, no 21019 ua tapurahia e 28 miria toata.

maoti te faufaa hoona a te Hau, (11,363 miria) e nehenehe ai e tâmau noa te faaho'iraa tarahu a te fenua, ma te tape'a noa i te faito teitei o te mau 'aitârahuraa moni no tâna mau 'opuaraa, ua topa mai te faito tarahu no 2019 ia faa-au-hia i to 2018.

No te mau tarahu 'âpî no te faananea ia i te 'afata o te mau paturaa (12,2 miria), paturaa fare (6,5 miria) e 1,8 miria no te tauturu i te mau 'imira tumu, faa'apu e te tautai.

I teie hepetoma i muri nei te tomita o te 'imira faufaa a te Apooraa a Porinetia e tuatapapa ai i teie 'opuaraa tapura faufaa no 2019. I te 06 no titema na te mau 'auvaha ia o te Apooraa e hi'opo'a mai.

-0-0-0-0-0-